

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 Ip 852772 20 Ip
Sarajevo, 15.01.2026. godine

Općinski sud u Sarajevu, sudija Nermina Sijerčić, odlučujući u izvršnom postupku tražioca izvršenja „BSP OIL“ d.o.o. Sarajevo, ul. Džemala Bijedića br.179 a, koga zastupa punomoćnik Hamid Džandžanović advokat iz Sarajeva, protiv izvršenika A.P., vl. OD „Terming“ iz Sarajeva, ul. Kraljice Jelene br.24, radi izvršenja, vrijednost spora 5.661,58 KM, prodajom pokretnih stvari izvršenika putem javnog nadmetanja, na osnovu člana 126 i 130, a u vezi sa članovima 135., 82., 87., 88. i 89. Zakona o izvršnom postupku, van ročišta, dana 15.01.2026. godine, donio je:

Z A K L J U Č A K
- o prodaji pokretnih stvari –

ODREĐUJE SE PRVO ročište za prodaju pokretnih stvari izvršenika A.P., vl. OD „Terming“ iz Sarajeva, a koje se nalaze na adresi Kraljice Jelene br.24, putem usmenog i javnog nadmetanja i to:

Motorno vozilo, marke VOLKSWAGEN, model PASSAT COMFORTLINE 1,9 TDI tip 3B, broj šasije, registarske oznake ..., koje vozilo se nalazi na adresi Kraljice Jelene broj 24, Sarajevo, procijenjeno u iznosu od 3.871,10 KM, prema nalazu i mišljenju vještaka Eldina Živojević, dipl.ing.maši, a sve shodno rješenju o izvršenju ovog suda od 22.09.2020. godine.

ZA DAN PETAK 20.02.2026. GODINE U 09.00 sati

KOJA ĆE SE ODRŽATI U ZGRADI OPĆINSKOG SUDA U SARAJEVU soba br. 454/IV

1. Rješenjem o izvršenju Općinskog suda Sarajevo broj 65 0 Ip 852772 20 Ip od 22.09.2020. godine u određeno je izvršenje pljenidbom, procjenom i prodajom pokretnih stvari izvršenika.

2. Konstatuje se da je Sudski izvršni organ dana 28.02.2024. godine, obavio pljenidbu pokretnih stvari o čemu je sastavljen pljenidbeni popis, iste su ostavljene na čuvanje izvršeniku uz zabranu za dalje raspolaganje, a kako je to navedeno u ovom Zaključku, o čemu je sastavljen Zapisnik broj 65 0 Ip 852772 20 Ip od 28.02.2024.godine dok su predmetne izvršenikove pokretne stvari, opisane kao u dispozitivu ovog zaključka, procijenjene od strane sudskog vještaka Eldina Živojević, nalazom od 03.06.2024. godine.

3. Ročište za javno nadmetanje održat će se i kad prisustvuje samo jedan ponuđač, a sud će zaključkom na zahtjev lica koje ima pravo prvenstvenog namirenja odrediti da se ročište za prodaju odgodi ako učestvuje samo jedan ponuđač.

4. Na prvom ročištu za prodaju pokretnih stvari putem usmenog i javnog nadmetanja pokretne stvari se ne mogu prodati ispod 1/2 / jedne polovine / od procijenjene vrijednosti.

Ako se pokretne stvari ne prodaju prilikom prvog javnog nadmetanja, odnosno na prvom ročištu **Sud će na prijedlog stranaka, odnosno na zahtjev tražioca izvršenja koji se može podnijeti u roku od 8 / osam / dana od dana održavanja neuspjelog ročišta** zakazati drugo ročište na kojem se pokretne stvari koje su predmet prodaje mogu prodati bez ograničenja, a u pogledu iznosa njihove cijene.

5. Sud će obustaviti postupak ako stranka ne predloži u roku od 8 dana održavanje drugog ročišta za javno nadmetanje, ili ako se stvari ne uspiju prodati ni na drugom ročištu za javno nadmetanje.

6. Ponuđač sa najvećom ponudom će platiti cijenu za pokretnu stvar odmah nakon objavljivanja rezultata.

Po uplati cijene Sud će donijeti rješenje o dosudi, a potom i rješenje o namirenju

7. Na javnom nadmetanju kao kupci mogu učestvovati samo osobe koje su predhodno položile osiguranje koje iznosi 1/10 /jedna desetina/ određene vrijednosti pokretnih stvari koje se žele kupiti, s tim da iznos osiguranja ne može preći iznos od 10.000,00 KM

8.Osiguranje se polaže na depozitni račun Općinskog suda u Sarajevu broj 1411965320009639 otvoren kod BBI BANKE , sa naznakom broja predmeta .

9. Ponuđačima čija ponuda ne bude prihvaćena, osim za tri najbolja ponudioca vratit će se položeno osiguranje odmah nakon zaključenja javnog nadmetanja.

10. Od polaganja osiguranja u ovoj izvršnoj stvari oslobođen je tražilac izvršenja.

Ovaj Zaključak objavit će se na oglasnoj ploči Općinskog suda u Sarajevu, a tražilac izvršenja može o svom trošku Zaključak o prodaji pokretnih stvari izvršenika putem usmenog i javnog nadmetanja objaviti u sredstvima javnog informisanja.

NAPOMENA: sudskom izvršitelju kao ovlaštenom licu za provođenje javnog nadmetanja/neposredne pogodbe, upozna se da ukoliko treća lica ne obavijeste sud o svojim pravima na pokretnoj stvari u posjedu izvršenika koja je predmet izvršenja, niti dokažu svoja prava na njima, smatra se da takva prava trećih lica ne postoje i da je izvršenik vlasnik stvari koje se nalaze u njegovom posjedu.

SUDIJA
Nermina Sijerčić

POUKA: Protiv ovog zaključka nema mjesta pravnom lijeku.